

# PREMIO DE LITERATURAS INDÍGENAS DE AMÉRICA

# XAPA'INIWAME 2017

Waiká matsu teiteri te'utiwamete yu'uxumayatsiksie memimatiwaniki UNIVERSIDAD DE GUADALAJARA, INSTITUTO NACIONAL DE LENGUAS INDÍGENAS, SECRETARÍA DE CULTURA DEL GOBIERNO DE LA REPÚBLICA, COMISIÓN NACIONAL PARA EL DESARROLLO DE LOS PUEBLOS INDÍGENAS, SECRETARÍA DE EDUCACIÓN DEL GOBIERNO DEL ESTADO DE JALISCO, SECRETARÍA DE CULTURA DEL ESTADO DE JALISCO, wana mekana'iniwani PREMIO DE LITERATURAS INDÍGENAS DE AMÉRICA hetsie memuyehaxianikí 'ipa'i ti'anenemetsie metekawití:

**XEWIRIEKAMETSIE MIEME.** 'Ikí xapa 'iniwame 2017 mieme, Premio de Literaturas Indígenas de América niawari hetsie mieme kuxi kahahekiati kanihikítini.

**HUTARIEKATSIE MIEME.** Mekaniyiwaweni te'utiwamete memanuyehaxiani 'ikí 'iwarikatsie yunaiti teiteri Continente de América kwieyaritsie kiekatari, tsepá hakewa hiki mekani.

**HAIRIEKATSIE MIEME.** Wewiya kanayu'iwawani 'ipa'i ti'anenemetsie tiutanetkaime: waiká yuri 'utiarikaya yuniukíkí katinaye'utakamíkí. Naiti yuyeiyaritsie timieme katinihékakamíkí tsireukuni'warietikaiti. 'Ikí 'utiarikate, katiniparawiekamíkí tewa mítiyehanetsie metá tewi niukieya waiká mayumatsikinikí.

**NAURIEKATSIE MIEME.** Kaniywéni 'utiarika niawari naimetsie mieme tikuxatame pemiyetuani, xeik'a 100 cuartillas 'utíakame hutame niukitekí raye'ukame: 'aniukíkí metá 'akie mieme ka'aniuki memeiniukakí, 80 cuartillas 'uka'akame metá arialkí ti'utíarietí 12 puntos hexeyakame tsiere 1.5 teewa heitíkaime.

**'AUXUWIRIEKATSIE MIEME.** Kehate 'iwarikatsie memanuyehaxiani, mítíkí mekaniyiwaweni memiwaranuyexata instituciones culturales, educativas, asociaciones metá grupos editoriales.

**'ATAXEWIRIEKATSIE MIEME:** Kehate memanuyexatsieni mítíkí mekanaka'utsiekuni internet hetsie: [www.cunorte.udg.mx/plia](http://www.cunorte.udg.mx/plia); 'ena heuhame 'iaurika mana miyuku'iwawa kanayehiníyamíkí metá tsiere PDF tiyuteri'wametsie xapate katineutiwiyatsitiamíkí 'ena'í maxaxatsiwa:


- Institución xeime xapa kanita'utíamíkí titayaríkí 'iwarikatsie ranuyehakeni tikuxatame metá titayari xeime 'utíwame mitiparewie, mítíkí xapatsie naime katinahékakamíkí 'utíwame ke mítiyetakekani yu'utírikatsie, 'aku huteikí hairiekatsie mexaxatatsie 'utaneeti.

Metá ke'anemekí 'utírikaka miyu'wanení mítíkí katineutinítiámíkí, 'aku niawari 'akuxi mítahahéká, yuniukíkí 'utíariekatí metá 'akie mieme ka'aniukíkí 'utíarietí. 'Ikí naime mítiyetuanitsie ke mítitewa ti'utíwame kapayuhékataní, xeik'a kaniywéni yíkí píta tiyuteri'wame mayuka'utíani.

**'ATAHUTARIEKATSIE MIEME.** Xeik'a Institución mítaká'utíwa katinamaikamíkí ke mítíane 'iwarikatsie memanuyehaxia, metá tsiere mítíkí kaniywéni mítahékata kepauku 'iwarika 'ikí ya mítí'anetsie miyayu'iwawani.

**'ATAHAIRIEKATSIE MIEME.** 'Ikí xapa 'iniwame manayené hiki paití ri xeimieme 6 abril kaneuyepieka te'utíwamete memaka'utsiwaníkí, merikí xekeniwaranuyexexeiyani, metá kaneunarimíkí 'ikí 15 Julio 2017 witariyarisie 23:59 'upaukakaku, tatsí ri México tukarieyatsie. 'Ikí ri reuwarita takwé ri xapate tanaki'eriyane.

**'ATANAURIEKATSIE MIEME.** Mekapiyiwawe 'ikí 'iwarikatsietsie memanuyehakeni:



I.- Kehate Miembros de la Comisión Interinstitucional hetsie memitehawiya ya xapa 'iniwametsie memite'uximaya.  
II.- Tsiere mekapiyiwawe memiteyuteriwa miembros del jurado calificador.  
III.- Tsiere kemí'ane xeitapari ya xátsie 'iwarikatsie 'utírikaka meyexata ya heta'ikwewatíri ke mítaniuwani, ya ri matsu 'iwarikatsie huyeyari pírawe.

**TAMAMATATSIE MIEME.** Teiteri meyuhaikati kwinimieme mete'uyemaiti 'utírikatsie, tatsí ri meteyuteri'watí: Jurado del Premio de Literaturas Indígenas de América, mítíkí naime xapate mítiyetuiyani mekanitixeiyakuni metá xeime xeik'a mekanahékatakuni 'aku kemí'ane miyá'iwa, mítíkí waniuki'raye'atí kani'aniení xewití yíkí maineni hawai kapirenake.

**TAMAMATA XEWIRIEKAMETSIE MIEME.** Kepaímeti 'iwarikatsie tumini miyu'iwane mítíkí kapiyutaraní naimime 'aye'akame kani'itiariemíkí \$300,00.00 (Trescientos mil pesos mexicanos 00/100), 'ana ke miyayu'iwane 6 de abril 'ikí witariyarisie 'ikíxapa 'iniwame mítahékatsiensie, mipai'paímemi kani'itiariemíkí México tuminieyatsie 'iníarime.

**TAMAMATA HUTARIEKATSIE MIEME.** Kemí'ane ri ma'iwa Premio de Literaturas Indígenas de América, mítíkí miyá'iwa niukamete wahixie kanihekátsiemíkí 17 agosto metseriyarisie 2017.

**TAMAMATA HAIRIEKATSIE MIEME.** Tukariur matineni 'iwarika miyetuiyani: 2 diciembre katiniyimíkí 16:30 'upaukakaku salón 2 wana Expo-Guadalajara Feria Internacional del Libro de Guadalajara matineekatsie 2017 witariyarisie, wana Guadalajara Jalisco, México.

**TAMAMATA NAURIEKATSIE MIEME.** 'Ikí 'iwarikatsie kehate memanuyehaxia mítíkí aixia mekatenakayurekuni 'ikí xapa 'iniwame ke mítikuxata hepátsita. Xíka ri 'ikí ke mítikuxata hepátsita mekatekakíne 'ikítsie mekateuyanakéti mekanakíkani.

**TAMAMATA 'AUXUWIRIEKATSIE MIEME.** Instituciones mema'iniwa wahetsie rayanike xíka yíkí reutiyixíani, 'aku 'ikí 'iwarikatsie hakemete wahepaítsita 'ana xíka yíkí ti'aneti'ranutinexíani wavewiyatsie rakunetíkaiti ya xíka mete'ukuyuitíani Ley Federal de Derechos de autor hetsie timieme metá tsiere hipati' aixia tiyuruwametsie timieme, 'ana ri katinaninieritani itsíkate memitekema 'ikí ya mítí'anetsie ke memaitíkani.

**TAMAMATA 'ATAXEWIRIEKATSIE MIEME.** 'Ikí 'iniwametsie miyá'iwa kaneuyaxata, aixia mekatenakayurekuni Comité Interinstitucional del Premio, 'aku instituciones kehate 'ikítsie memaye'u mema'iniwa metá mítíkí waniuki'raye'atí kani'aniení xewití yíkí maineni hawai kapirenake.

Kene'atali'waurití:  
CUCSH  
(33) 38 19 33 00 ext. 23335 metá 23416

CUNORTE  
[www.cunorte.udg.mx/plia](http://www.cunorte.udg.mx/plia)  
SECRETARÍA DE CULTURA  
[www.gob.mx/cultura](http://www.gob.mx/cultura)